



**URDHËR**

Nr. 62, Datë 15/08/2016

**"Mbi masat që duhen marrë për zhvillimin e konkurseve të pranimit dhe tarifën regjistrimit për konkurrim, për të gjitha programet e studimit të ciklit të parë me kohë të plotë në Universitetin e Arteve, për vitin akademik 2016-2017."**

Në zbatim të, pikës 28, neni 6, (Përkufizime), neni 74 (Pranimi në ciklin e parë të studimeve), neni 38 - të ligjit nr. 80/2015, "Për arsimin e lartë dhe kërkimin shkencor në institucionet e arsimit të lartë në Republikën e Shqipërisë", VSA nr. 3, datë 14.07.2016, "Mbi kriteret kryesore dhe tarifën e regjistrimit të kandidatëve pjesëmarrës në konkurset e pranimit në Universitetin e Arteve për vitin akademik 2016-2017", pikës 11,12,13,14,15 e në vijim të Udhëzimit nr. 13, datë 22.07.2016 "Për procedurat e aplikimit dhe regjistrimit në programet e ciklit të parë të studimeve, në programet e studimeve me karakter profesional, si dhe në programet e integruara të studimeve të ciklit të dytë, me kohë të plotë, në institucionet e arsimit të lartë, për vitin akademik 2016 - 2017", me qëllim sigurimin e mbarëvajtjes së procedurave të konkurseve të pranimit, evidentimin dhe korrigjimin e mangësive që mund të shfaqen,

**URDHËROJ**

1. Ngritjen e grupit të monitorimit të zhvillimit të konkurseve të pranimit, që zhvillohen në Universitetin e Arteve, për vitin akademik 2016 - 2017, me përbërje si më poshtë:

- I. Prof. Dr. Erald Bakalli, Zëvendës rektor për anën mësimore;
- II. Z. Vladimir Dhamo, Jurist i UART.

Grupi i monitorimit të marrë masa që: pjesë të Udhëzimit nr. 13, datë 22.07.2016 "Për procedurat e aplikimit dhe regjistrimit në programet e ciklit të parë të studimeve, në programet e studimeve me karakter profesional, si dhe në programet e integruara të studimeve të ciklit të dytë, me kohë të plotë, në institucionet e arsimit të lartë, për vitin akademik 2016 - 2017", VSA nr. 3, datë 14.07.2016, "Mbi kriteret kryesore dhe tarifën e regjistrimit të kandidatëve pjesëmarrës në konkurset e pranimit në Universitetin e Arteve për vitin akademik 2016-2017" si dhe listat e dërguara nga AKP të kandidatëve maturantë që dëshirojnë të vazhdojnë studimet në UART, të afishohen në hyrjet kryesore të fakulteteve dhe në faqen zyrtare të UART, me qëllim informimin sa më mirë të konkurrentëve dhe publikut.

2. Pranimet në të gjitha programet e studimit të ciklit të parë Bachelor, me kohë të plotë në Universitetin e Arteve për vitin akademik 2016-2017, të bëhen mbi bazën e rezultateve të Maturës Shtetërore dhe rezultateve të fituara në konkursin e pranimit, të organizuara nga Fakulteti i Muzikës, Fakulteti i Artit Skenik dhe Fakulteti i Arteve të Bukura.

3. Kandidatët, të cilët konkurrojnë për një nga programet e studimit të ciklit të parë Bachelor, me kohë të plotë, në Universitetin e Arteve, rezultatet e konkursit të pranimit llogariten sipas kësaj përqindje:

- I. rezultatet e Maturës Shtetërore me 30% të totalit të pikëve (nota mesatare e viteve të shkollimit dhe gjithë provimet e maturës shtetërore),
- II. rezultatet e konkurseve të pranimit me 70% të totalit të pikëve.
- III. Kandidati që nuk kalon pragun e pikëve minimale të konkursit të pranimit, në programin ku ka konkurruar, nuk fiton të drejtën e studimit.





Adresa: Blv. "Dëshmorët e Kombit", Sheshi "Nënë Tereza", Tiranë Shqipëri. Tel/Fax: +355 42 225 488, www.uart.edu.al

4. Pikët maksimale që mund të fitojë një kandidat në konkurrim për program studimi **janë 140**, mbështetur në Vendimin e Senatit Akademik nr. 3, datë 14.07.2016.
5. Kandidati, që nuk arrin të fitojë **nën 60 pikët minimale**, të përcaktuara në Vendimin e Senatit Akademik nr. 3, datë 14.07.2016, **nuk fiton të drejtën e studimit**.
6. Konkursët në Universitetin e Arteve do të zhvillohen për të gjitha programet e studimit të ciklit të parë me kohë të plotë Bachelor, **nga data 29 gusht deri më 3 shtator 2016**, në ambientet e fakulteteve.
7. Tarifa e regjistrimit e kandidatëve për të konkurruar në një nga programet e studimit në fakultetet e UART është **5 000 (pesë mijë) lekë**, mbështetur në Vendimin e Senatit Akademik nr. 3, datë 14.07.2016, dhe do të arkëtohen nëpërmjet sistemit bankar ose në filialet e postës shqiptare, për llogari të Universitetit të Arteve. Konkurrentët pasi të kenë verifikuar emrin në listat e shpallura në UART, të dërguara nga AKP, pajisen me mandat arkëtimi nga Drejtoria Ekonomike, pranë Rektoratit të UART, në bazë të cilit bëjnë edhe pagesën në sistemin bankar ose zyrat e postës Shqiptare.
8. FM, FAS dhe FAB në UART, të bëjnë publike në ambientet e çdo Fakulteti si dhe në faqen zyrtare të Universitetit të Arteve, rregulloret dhe kriteret e konkurseve të pranimit.
9. Periudha e regjistrimit do të nisë nga **ora 08 -<sup>30</sup> e datës 22 gusht 2016** deri në **orën 16 -<sup>00</sup>, të datës 28 gusht 2016**.
10. **Regjistrimi** i kandidatëve për konkursët e pranimit të bëhen, pranë Sekretarive të Fakulteteve, nga data **22 gusht 2016** deri në **orën 16 -<sup>00</sup>, të datës 28 gusht 2016**. Sekretaritetë mësimore të FM, FAS dhe FAB, të kryejnë veprimet e regjistrimit të kandidatëve për konkurrim nga: ora **08 <sup>30</sup>** deri në orën **16-<sup>00</sup>**.
11. Sekretaritetë mësimore të fakulteteve në UART, pas verifikimit të listave të regjistruarve, me listat e dërguara nga AKP, brenda **datës 28 gusht, ora 16-<sup>30</sup>**, të shpallin listat e kandidatëve të regjistruar dhe t'i afishojnë ato në vende të dukshme në mjediset e fakulteteve sipas programeve të studimeve si dhe në faqen zyrtare të UART.
12. Regjistrimi i kandidatëve nga sekretaritetë e fakulteteve, të bëhet bazuar **në listën e dërguar nga AKP** me këto dokumente:
  - I. Dokumentin e identifikimit (kartë identiteti ose pasaportë, fotokopje),
  - I. Fotokopje të diplomës së Maturës Shtetërore ose dëftesës së pjekurisë, së bashku me listën e notave,
  - II. Mandatin e pagesës së tarifës së regjistrimit për konkurrim.
13. Kandidatët që përfitojnë nga kuotat e MAS, të akorduar për Shqiptarët jashtë kufijve të RSH, për romët dhe egjiptianët, për invalidët paraplegjik dhe tetraplegjik, për jetimët, me statusin e të verbrit, që do të marrin pjesë në konkursët e pranimit, për programet e studimit të ofruara nga Universiteti i Arteve, **aplikojnë drejtpërdrejt pranë Sekretarive të FM, FAS dhe FAB, në zbatim të Udhëzimit nr. 18 datë 11.08.2016, të MAS, duke përfshirë edhe tarifën e regjistrimit për konkursët e pranimit, mbështetur në Vendimin e Senatit Akademik nr. 3, datë 14.07.2016, nga data 22 gusht 2016 deri në orën 16 -<sup>00</sup>, të datës 28 gusht 2016**.





14. Sekretaritetë e FAB, FAS dhe FM, në momentin e regjistrimit të kandidatit për konkurrim në një nga programet e studimit, e pajisin konkurrentin me **"Fletën e Regjistrimit"**.
15. Fleta e Regjistrimit ka këtë përmbajtje:
- Emri dhe mbiemri i kandidatit;
  - Programin e studimit në të cilin konkurren;
  - Orën, datën si dhe ambientin, **për t'u paraqitur në konkurrim;**
  - Në fletën e regjistrimit të shënohen edhe: data, muaji, viti mësimor dhe ora e regjistrimit.
  - Fleta e Regjistrimit, përgatitet në 2(dy) kopje, dhe firmoset nga K/sekretaria e fakultetit dhe kandidati që konkurren;
- 16 Orari dhe ambientet e zhvillimit të konkurseve të pranimit në fakultete, për çdo program studimi të përcaktohen me urdhër të veçantë të dekanëve të fakulteteve, brenda datës 22. Gusht 2016. Urdhri të afishohet në hyrjet kryesore të fakulteteve dhe në faqen zyrtare të UART.
- 17 Dekanët e FM, FAS dhe FAB, janë përgjegjës për zbatimin e "Rregulloreve dhe kriterëve të konkursit të pranimit në UART", të miratuar në Senatin Akademik.
- 18 Sekretaritetë e FM, FAS dhe FAB, pas kryerjes së përlogaritjeve të pikëve për çdo konkurrent, sipas pikave 3;4;5 të këtij urdhri, si dhe renditjes së konkurrentëve në varësi të pikëve të grumbulluara, afishohen duke nënvizuar me vijë të kuqe fituesin e fundit, sipas kuotave të përcaktuara për program studimi.
- 19 Brenda datës 04.09.2016, të hidhen në sistemin informatik, pikët e secilit kandidat në konkurset e pranimit, për secilin program studimi, në zbatim të pikës 12 të Urdhrit nr. 13, datë 22.07.2016.
- 20 Afishimi dhe publikimi duhet bërë brenda datës 05.09.2016 me firmën e Dekanit të fakultetit. Listat po në këtë datë përcillen në Rektorat në formë shkresore dhe elektronike në adresën [zvrektor.mes@uart.edu.al](mailto:zvrektor.mes@uart.edu.al). Një kopje elektronike e këtyre listave dërgohet në AKP brenda datës 06.09.2016.
- 21 Kandidatët kanë të drejtën e ankimit pranë fakulteteve të UART, brenda tri ditëve kalendarike nga dita e shpalljes së rezultateve. Fakultetet duhet të shprehën mbi ankimin brenda dy ditëve pune nga data e paraqitjes së ankesave.
- 22 Pas përfundimit të afatit të ankimit dhe shqyrtimit të ankesave, shpallen listat përfundimtare të kandidatëve fitues të identifikuar me ID-në e kandidatit, në faqen elektronike zyrtare dhe në mjediset e fakulteteve, brenda datës 11.09.2016, duke respektuar përcaktimet e kuadrit ligjor për mbrojtjen e të dhënave personale. Listat po në këtë datë përcillen në Rektorat në formë shkresore dhe elektronike në adresën [zvrektor.mes@uart.edu.al](mailto:zvrektor.mes@uart.edu.al). Një kopje elektronike e këtyre listave dërgohet në AKP brenda datës 12.09.2016.
- 23 Të gjithë kandidatët që janë shpallur fitues, duhet të kryejnë procesin e regjistrimit online dhe me dokumentacion pranë sekretarive të fakulteteve nga data **13 deri më 20 shtator 2016**. Kandidatët lejohen të regjistrohen vetëm në një program studimi.





- 24 Sekretaritetë e fakulteteve do të pranojnë dokumentacionin për të gjithë kandidatët fitues personalisht ose nëpërmjet përfaqësuesit të autorizuar nga ana e tyre, si më poshtë:
- I. Dokumentin e identifikimit (kartë identiteti ose pasaportë. Në dosje mbahet fotokopje),
  - II. Fotokopje e noterizuar e diplomës së Maturës Shtetërore ose dëftesës së pjekurisë, së bashku me certifikatën e notave, ose dëftesë/diplomë tjetër studimi të fituar jashtë vendit të njësuar në MAS.
  - III. Deklaratën e paraqitur në shtojcën 1 të udhëzimit nr. 13, datë 22.07.2016, e cila plotësohet në prani të sekretares së fakultetit, dhe nënshkruhet nga kandidati dhe nga sekretarja.
  - IV. Dy fotografi personale
  - V. Mandatin e pagesës së tarifës së regjistrimit për programin e studimit të fituar në vlerën prej 1600 (njëmijë e gjashtëqind) lekë, mbështetur në Vendimin e Senatit Akademik nr. 3, datë 14.07.2016, paguar në sistemin bankar ose në postën Shqiptare.
- 25 Sekretaritetë e fakulteteve mbajnë regjistër të veçantë për dorëzimin e dokumentacionit me të dhënat mbi datën dhe orën e dorëzimit, si dhe nënshkrimin e kandidatëve të regjistruar.
- 26 Gjithë procedura, e përgatitjes dhe e fazës së konkurrimeve, për pranimet në programet e studimit të ciklit të parë Bachelor, në UART, monitorohen nga përfaqësues të autorizuar të MAS si dhe grupit të monitorimit të përcaktuar në pikën 1 të këtij urdhri.
- 27 Sektori i Shërbimit pranë Rektoratit të UART, në bashkëpunim me shoqërinë SH.R.S.F. "START 2000" shpk, me objekt shërbimin e ruajtjes me roje civile, të UART për vitin 2016, gjatë periudhës së regjistrimit dhe zhvillimit të konkurseve të pranimit, për student në fakultetet e UART, të marrë këto masa:
- a. shërbimi i ruajtjes me roje civile të angazhohet maksimalisht, për zbatimin e rregullave në mjediset e UART dhe **të jetë në gatishmëri** në raste konflikti;
  - b. të ushtrohen kontrole për personat që futen në ambientet e fakulteteve dhe të Rektoratit;
  - c. gjatë periudhës, datë 29/07/2016 **deri** datë 03/08/2016, zona e parkimit, brenda territorit të UART, të jetë e lirë. Në këtë ambient, mund të parkohen vetëm automjetet sipas një liste të miratuara nga Kancelari i UART;
  - d. Hyrja e personelit, akademik dhe administrativ, për periudhën e regjistrimit dhe konkurseve të pranimit, do të bëhet **nga hyrja**, në rrugën " Lekë Dukagjini";
- 28 Ditët e konkurseve, **hyrja e konkurrentëve**, do të bëhet vetëm nga hyrja kryesore e Universitetit të Arteve (sheshi Nënë Tereza). Nga hyrja kryesore konkurrentët **do të shoqërohen nga punonjës të caktuar nga Dekanët e fakulteteve**, për t'u drejtuar në Sekretaritetë e fakulteteve ose në ambientet e fakulteteve ku edhe do të zhvillohen regjistrimet ose konkurset.
- 29 Për zbatimin e këtij urdhri ngarkohen: Zëvendës rektori për anën mësimore, Dekanët e FM, FAS, FAB, Kancelari i UART, Sekretaritetë e fakulteteve, Drejtoria Ekonomike pranë Rektoratit, Sektori i Shërbimeve pranë Rektoratit, Personeli akademik dhe administrativ





e detyra specifike në regjistrimin dhe zhvillimin e konkurseve të pranimit të studentëve të ciklit të parë në UART, për vitin akademik 2016 – 2017.

- 30 Ngarkohet sektori i IT, që këtë Urdhër t'a publikojë në faqen zyrtare të internetit të Universitetit të Arteve, në rubrikën studentët në nën rubrikën njoftime.
- 31 Ky urdhër, zyrtarisht t'ju dërgohet: Ministrisë së Arsimit dhe Sportit dhe shoqërisë SH.R.S.F. "START 2000" shpk.

**Ky urdhër hyn në fuqi menjëherë.**

**Prof. Kastriot ÇAJSHI**

**REKTOR  
UNIVERSITETI I ARTEVE**

